

Evriwan garem rait en disevim fo fil gud en seif en rispekt onlaen en lo ril laef. Bata sore wan, pipol bae stil go tru buli, abius en heit.

Onlaen heit hem eni kaen atak wea hapen lo intanet en tagetim nao bakraun, komuniti, jenda (weda yu man o mere) o aedentiti – osem eij, rilijon, kala blo skin, etenik grup, langus, seksualiti (weda yu man o mere), seksuol karakteristik o oloketa disebol.

Diswan bae save kosim problem en mekem pipol fo fil sore, kros en frait fo som hu nao tru oloketa.

‘Akseptens’ hem taem evriwan fil seif, rispekted en save fo bikam hu nao oloketa, no mata wanem bakraun, komuniti, aedentiti, o hao oloketa som oloketa seleva.



**Hao nao bae mi save som akseptans beheivia?**

1. Tekem taem fo herehere en lane, en grom noleds en andastan abautem oloketa pipol wea garem difren bakraun, komuniti en aedentiti wetem yu.
2. Rispekt en akseptem oloketa difrens blo pipol, inkludim difren custom, aedentiti, bilivs o wei blo laef.
3. Mas kaen en gud lo oloketa konekson blo yu; tritim nara pipol osem hao yu seleva laekem oloketa tritim yu.
4. Sapotim fren hu maet fesim staka problem winim yu – o hu bae hapi lo lelebet help.

**If yu lukim o bin taget long onlaen heit:**

1. Blokem eniwan wea yu no laek fo intarakt wetem, eniwan wea mekem yu fil no seif o no fil gud wetem. Fo moa infomeson lo hao nao fo duim diswan lo Facebook, visitim nao [Help Centre](#).
2. Ripotim eniwan o post wea mekem yu fil kros o no seif. Fo moa infomeson lo hao nao fo duim diswan lo Facebook, visitim nao [Help Centre](#).
3. Tok lo samwan yu trastim fo sapot en advais, osem nao gud fren blo yu, memba blo famili, lida blo sios, oloketa mere en pikinini rait grup (oganaeseison) o tisa.

**Oloketa wei fo hao yu save protektim yu seleva en oloketa narawan onlaen:**

1. Protektim imeil en sosol midia akaunt blo yu mas [setim ap strong paswod](#) en [tu-fakta otentikeson](#). Askem samwan yu trastim fo help wetem diswan, if yu nidim.
2. No searem praevet infomeson blo yu osem paswod, wea nao yu stap, fon namba blo yu o bank diteil wetem oloketa pipol yu no save.
3. If yu kam akrosim eniting onlaen dat yu no laekem, o no andastanem, talem samwan yu trastim.
4. Send en akseptim nomoa fren rikwest if yu save nao lo man/woman ya.

**RIMEMBA: Evriwan sud fil seif, aksepted en save fo som tru abautem oloketa seleva taem go onlaen. Hem risponsibiliti/waka blo evriwan fo mekem intanet hem seif ples fo evriwan.**

Fo moa infomeson, visitim Netsafe New Zealand’s page on [support with hate incidents](#), and [gender-based](#) and [gender identity-based](#) online abuse.